



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-34-5-1828/16.

Datum: 18.08.2016. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine Federacije BiH", broj 12/03), i člana 8. Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Tešanj ("Sl. glasnik općine Tešanj", broj 8/03, 1/04 i 10/06) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik objavljuje

JAVNI OGLAS

o izboru predsjednika i članova Upravnog odbora JU Centar za socijalni rad Tešanj.

1. Naziv pozicije

Upravni odbor JU Centar za socijalni rad Tešanj

- Predsjednik Upravnog odbora _____ 1 (jedan)
- Član Upravnog odbora _____ 1 (jedan)
- Član Upravnog odbora iz reda stručnih radnika uposlenih u ustanovi _____ 1 (jedan).

2. Opis poslova:

Upravni odbor ustanove donosi pravila odnosno statut ustanove, imenuje i razrješava direktora ustanove, nadzire rad i poslovanje direktora ustanove a naročito u segmentu upravljanja i raspolaganja kapitalom i imovinom ustanove, utvrđuje politiku razvoja, razmatra i usvaja izvještaje o poslovanju, predlaže raspodjelu i način upotrebe dobiti, donosi opšti akt o unutrašnjoj organizaciji i sistematizaciji, podnosi osnivaču najmanje jedanput godišnje izvještaj o poslovanju ustanove, te obavlja i druge poslove u skladu sa zakonom i pravilima/statutom javne ustanove.

Predsjednik Upravnog odbora Javne ustanove rukovodi sjednicama Upravnog odbora, stara se o pripremi materijala za sjednice Upravnog odbora i o izvršenju akata Upravnog odbora i obaveza prema općini Tešanj. Predsjednik Upravnog odbora obavlja i druge poslove utvrđene Statutom i drugim aktima javne ustanove.

Mandat predsjednika i članova Upravnog odbora je 4 (četiri) godine uz mogućnost ponovnog imenovanja u skladu sa zakonom.

Naknada za rad predsjednika i članova Upravnog odbora utvrđena je općim aktima ustanove i ista se isplaćuje iz sredstava ustanove.

3. Opći uslovi koje kandidat treba ispunjavati:

1. da je državljanin Bosne i Hercegovine,
2. da je stariji od 18 godina,
3. da je zdravstveno sposoban za obavljanje poslova na koje se kandidira,

4. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja javnog oglasa,
5. da nije pod optužnicom Međunarodnog suda za ratne zločine u bivšoj Jugoslaviji (član IX .1. Ustava Bosne i Hercegovine , da nije na funkciji u političkoj stranci u smislu člana 5. Zakona o ministarskim, vladinim, i drugim imenovanjima u F BiH,
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
7. da nema privatni finansijski interes u reguliranom organu u koji se kandiduje,
8. da nije osuđivan za krivično djelo i privredni prestup nespojiv s dužnošću u reguliranom organu u koji se kandiduje,
9. da nije lice kojem je pravosnažnom presudom suda zabranjeno obavljanje aktivnosti u reguliranom organu za koji se kandiduje.

4. Posebni uslovi:

1. VSS-VII stepen stručne spreme,
2. 5 godina radnog iskustva nakon sticanja odgovarajuće školske spreme ,
3. da nije član upravnog ili nadzornog odbora u više od jednog reguliranog organa,
4. komunikativne i kreativne sposobnosti za savjesno, odgovorno i odlučno obavljanje upražnjene pozicije,
5. sposobnost nepristrasnog donošenja odluka,
6. rezultati rada ostvareni tokom prethodnog radnog angažmana,
7. preporuke ranijih neposrednih rukovodilaca,
8. poželjno poznavanje stranih jezika.

5. Za prijavu na javni oglas kandidat je dužan dostaviti sljedeće (original ili ovjerenu kopiju):

1. prijavu sa biografijom, adresom i kontakt telefonom,
2. izvod iz matične knjige rođenih,
3. Diploma o školskoj spremi,
4. Uvjerenje o radnom iskustvu u struci,
5. ovjerenu izjavu da ispunjava opće uslove broj 4., 5., 6. i 7.,
6. uvjerenje o državljanstvu,
7. uvjerenje nadležnog suda da se protiv kandidata ne vodi krivični postupak (ne starije od 3 mjeseca).

Dokumenti koji se prilažu uz prijavu moraju biti originali ili ovjerene kopije.

Sa kandidatom koji bude ispunjavao sve potrebne uslove bit će obavljen intervju.

Kandidat koji bude izabran dužan je u roku od 8 (osam) dana dostaviti : uvjerenje da nije osuđivan za krivično djelo i za privredni prestup nespojiv s dužnošću u reguliranom organu u koji se kandiduje, uvjerenje da mu presudom suda nije zabranjeno obavljanje aktivnosti u reguliranom organu za koji se kandiduje.

Podnosioci prijava s kojima se ne stupi u kontakt u roku od 8 dana od isteka roka od podnošenja prijava neće biti uzeti u razmatranje u daljem procesu imenovanja. Svi kandidati koji budu stavljeni na listu s užim izborom biće pozvani na intervju od strane Komisije. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Lični podaci o podnosiocima prijava su tajni i mogu se prikupljati i obrađivati samo u skladu sa zakonom o zaštiti ličnih podataka Bosne i Hercegovine («Sl. glasnik Bosne i Hercegovine» broj: 32/01).

Kandidati koje nakon intervjuja preporučí Komisija za izbor smatrat će se da su najuspješnije prošli otvorenu konkurenciju. Općinski načelnik će izvršiti konačno imenovanje, te će osigurati da se izvrše i javno objave konačna imenovanja na pozicije u reguliranim tijelima u «Službenim novinama Federacije».

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima FBiH, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Općinskom načelniku u roku od 7 dana od dana donošenja odluke, a kopija se dostavlja ombudsmenu za ljudska prava u Federaciji BiH.

Prijave kandidata koji su na funkciji u političkoj stranci će se odbaciti (kandidati koji se ne kvalificiraju) u skladu sa Zakonom o ministarskim, vladinim i drugim imenovanjima Federacije Bosne i Hercegovine.


Oglas će biti objavljen u «Službenim novinama FBiH», dnevnom listu "Oslobođenje" Sarajevo, oglasnoj ploči Općine i WEB stranici općine Tešanj. **Rok za podnošenje prijave je 15 dana od dana posljednjeg objavljivanja oglasa.** Posljednji dan podnošenja prijava računa se prema datumu objave u glasilu koje posljednje bude objavilo ovaj oglas.

Prijave sa svim traženim dokumentima treba dostaviti lično ili poštom preporučeno, sa obaveznom naznakom za koji upravni odbor se prijavljuje: „**Prijava na oglas za predsjednika ili člana Upravnog odbora JU Centar za socijalni rad Tešanj – ne otvarati**“, na slijedeću adresu **Komisija - Općina Tešanj, Trg Alije Izetbegovića broj 11, 74260 Tešanj.**

Nepotpune, neblagovremene i neuredne prijave neće se uzeti u razmatranje.

Dostavljeno:

1. „Službene novine Federacije BiH“
2. „Oslobođenje“ Sarajevo
3. Web stranica Općine Tešanj
4. oglasna ploča Općine Tešanj
5. Komisija za izbor
6. Arhiva

 **OPĆINSKI NAČELNIK**
mr. sci. Suad Huskić, profesor